

亥23

6(2)412

徐氏十三種醫書

中華圖書館印行



外科正宗卷十

明崇川陳寶功著

吳江徐大椿靈胎評

海寧許梈辛木訂
蔣光煊寅初校

傷寒發頤第四十七

傷寒發頤亦名汗毒此因原受風寒用藥發散未盡日久傳化為熱不散以致頤之前後結腫疼痛初起身熱口渴者用柴胡葛根湯清熱解毒患上紅色熱甚者如意金黃散敷之初起身涼不渴者牛蒡甘桔湯散之患上微熱不紅疼痛者冲和膏和之腫深不退欲作膿者宜托裏消毒散已潰氣血虛弱食少者宜補中益氣湯以此治之未成者消已成者潰已潰者斂用之最穩

徐曰此段所用之藥俱切病此症宜辛涼疎散最忌大寒

柴胡葛根湯

柴胡葛根湯花粉石膏升麻併桔梗

甘草連翹牛蒡芩傷寒頤毒用之靈

治頤毒表散未盡身熱不解紅腫堅硬作痛者

柴胡

天花粉

乾葛

黃芩

桔梗

連翹

牛蒡子

石膏

各一錢

甘草

五分

升麻三分

水二茶鍾煎八分不拘時服

徐曰此症主方惟石膏花粉為寒凝之品初起禁用

牛蒡甘桔湯

牛蒡甘桔湯赤芍加上川芎食遠服

花粉黃連蘇木陳傷寒頤毒即時平

治頤毒表邪已盡耳項結腫微熱不紅疼痛者

牛蒡子

桔梗

陳皮

天花粉

黃連

川芎

赤芍

甘草

蘇木 各一錢

水二茶鍾煎八分食後服

徐曰卽前方意

傷寒發頭應用方

如意金黃散

托裏消毒散

沖和膏 俱見腫瘍門

補中益氣湯 見潰瘍門

瘡發第四十八

瘡發乃天時不正之氣所感而發非毒內作也此患多生於手足掌心或腰腿臂下伸縮之處漫腫無頭

憎寒發熱四肢沉重煩渴爲甚

以上六句徐逐句斷圖

初起宜服萬靈丹發汗解表腫仍不消者必欲作膿托裏

消毒散兼蠟礬丸間服以後俱照潰瘍法治

徐曰此症人多不識各人自造一說用藥亦各人各樣雜藥亂投往往致死而人總不知也 又曰此

等最難識乃濕熱之症卽所謂無名腫毒也以消痰利濕爲主

瘡發應用方

靈丹

托裏消毒散

蠟礬丸 俱見腫瘍門



南京中医药大学图书馆版权所有

癰疽第四十九

癰疽一名蛇瘡川廣煙瘴地面有之初出先作紅點次變黑色腐爛筋骨小者如粟如豆大者如梅如李
瘰無定處初用蟾酥餅膏貼寒熱交作者黍米寸金丹或飛龍奪命丹亦可紅腫遊走不定者真君妙
貼散加雄黃敷之自然截住破後脾胃虛弱食少乾嘔者補中益氣湯加黃連麥冬補而不應腫高疼
甚惟出清水穢汁者不治

徐曰此症江浙所無

癰疽應用方

飛龍奪命丹

即蟾酥丸加金頭蜈蚣二條

黍米寸金丹

真君妙貼散

見腫瘍門

補中益氣湯

見潰瘍門

小腹癰第五十

小腹癰乃七情火鬱以致脾虛氣滯而成其患小腹漫腫堅硬肉色不變有熱漸紅者屬易陽治無熱不
紅者屬陰難治初起七日以前用艾當腫頂灸七壯膏蓋首尾內服健脾胃養氣血行經補托之劑可
保終吉如誤用剋伐攻利涼藥者敗症必出十全大補湯倍加參耆薑附以救之此句徐勒批曰內腐亦是蠱藥不切
深陷者玉紅膏長肉收斂補托不應者雖愈終久成漏

小腹癰應用方

十全大補湯

玉紅膏俱見潰瘍門

徐曰以上有症無方者即于諸症之中擇其切病者用之可也

鶴口疽第五十一

鶴口疽乃三陰虧損督脉之經濁氣濕痰流結而成其患發在尾閭之穴高骨頭尖初起形似魚尾久則突如鸛嘴朝寒暮熱日輕夜重潰後稀膿出而無禁又或鮮血出而不停凡發此者壯年猶可老年可慮初起宜滋陰除濕湯和之已成未潰者和氣養榮湯托之潰而不斂者滋腎保元湯補之久而成漏者琥珀蠟礬丸兼先天大造丸服之甚妙

徐曰因各不同不僅三陰也

滋陰除濕湯

滋陰除濕湯知母骨皮貝母兼澤瀉

白芍青歸熟地芍還有甘草與柴陳

治鶴口疽初起朝寒暮熱日輕夜重如瘡等症

川芎

當歸

白芍

熟地

錢各一

柴胡

黃芩

陳皮

知母

貝母

各八分

澤瀉

地骨皮

甘草

各五分

水二茶鍾薑三片煎八分食前服

徐曰此通治之方不切此症 桐案熟地徐勒

和氣養榮湯和氣養榮湯此膏參苓熟地共陳皮丹皮當歸併甘草沈香一味用亦宜治前症已成不得內消者宜此藥托之

人參 陳皮 白朮 黃耆 茯苓 丹皮 當歸 熟地各一錢 沈香

甘草各五分 水二茶鍾煎八分食前服

徐曰破後膿多可服

滋腎保元湯滋腎保元湯杜仲參耆朮附桂丹皮歸客黃肉併甘草棗薑熟地總地施治前症元氣虛弱膿水淋漓久而不斂者

人參 黃耆 白朮 茯苓 歸身 杜仲 山萸肉 丹皮 熟地各一錢

附子 肉桂 甘草各五分 水二茶鍾薑三片棗二枚蓮肉七枚食前服

徐曰此方亦太蠻

鶴口疽應用方

琥珀蠟礬丸見腫瘍門 先天大造丸見流注門

龍泉疽虎鬚毒第五十二

此二毒乃任督二脉分合行布驟被外邪所搏而成龍泉疽發在人中之間虎鬚毒生於地角之上初起

疙瘩次生腫痛漸發寒熱甚者惡心乾嘔腮項俱腫此穴忌灸此句初起宜線針挑破患頂此七字徐圖批曰獨

外科正宗 卷十 鶴口疽 龍泉疽虎鬚毒 石榴疽



此症以蟾酥餅放上膏蓋使毒有門而泄四邊掀腫用如意金黃散圍之內有表症者荆防敗毒散加

當挑
芩連牛蒡子裏症內疏黃連湯已成欲其作膿芩歸內托散膿成脹痛者針之此七字徐國批曰膿成乃可針即愈

膿後只宜膏藥換貼其口易完此症多於元氣壯實者故多不必服藥自愈

徐曰此等症近于疔毒當以治疔之法治之

芩歸內托散芩歸內托散陳皮 桔梗花粉生黃耆 茯苓甘草銀花等 虎毒龍泉服最宜

川芎 當歸 陳皮 茯苓 天花粉 桔梗 銀花 黃耆各一甘草五分

水二茶鍾煎八分食後服

徐曰此方亦平安

龍泉疽虎鬚毒應用方

如意金黃散 內疏黃連湯見腫 瘍門 荆防敗毒散見腫 毒門

石榴疽第五十三

石榴疽者乃少陽相火與外濕相搏而成其患生在肘尖上一寸此句徐國批初起一點黃粟小泡根便

開大色紅堅硬腫如覆碗皮破泛出疊如榴子令人寒戰猶如重瘡初起即灸九壯此句內服蟾酥丸



發汗以解熱毒灸頂上蟾酥餅貼之膏蓋掀腫處金黃散敷之內服菊花清燥湯琥珀蠟礬丸續服
甚者護心散金液戊土丹九日後患上作膿稠黃疼苦稍減表裏症退飲食微進者可保無虞反此為
逆潰後元氣虛弱雜症相兼者照癰疽調理法治之

徐曰此症初起易忽已成則無人能識此篇治法最良

菊花清燥湯

菊花清燥湯生地
柴苓甘草升麻等

知母芍歸地骨皮
犀角門冬白芍宜

甘菊二錢 川芎

當歸

知母

貝母

白芍

生地

麥門冬

地骨皮

各一錢

升麻

犀角

甘草

柴胡

黃芩

各五分

水二茶鍾淡竹葉燈心各二十件煎八分食

後服

徐曰此病主方

石榴疽應用方

蟾酥丸

見疔瘡門

琥珀蠟礬丸

護心散

如意金黃散

俱見腫瘍門

金液戊土丹

見脫疽門

穿踝疽第五十四

穿踝疽乃足三陰濕熱下流停滯而成初起內踝腫痛癢徹骨底舉動艱辛甚則串及外踝通腫有頭者

外科正宗

卷十石榴疽

穿踝疽

大風

四



中國醫藥大學圖書館藏

屬陽易破頭者屬陰難潰此二者初起必寒熱交作宜荆防敗毒散加牛膝散之日久膿成脹痛癢針之腐而不斂孔大者玉紅膏培之形體虛弱者補之此症若不早治久成廢疾

徐曰治法總與諸症同擬用木瓜赤苓澤瀉獨活防己甘草黃柏蒼朮連翹牛膝威靈仙槐米荊芥

草解等藥爲治

穿鼻疽應用方

荆防敗毒散

見時毒門

玉紅膏

見風濕門

大麻風第五十五

大麻風乃天地間異症也但感受不同有體虛之人因驟被陰陽暴曬露霧風雨之氣所侵感之不覺未經發泄凝滯肌膚積久必作有房慾後體虛爲風邪所襲或露臥當風睡眠濕地或洗浴乘涼希圖快意俱能致之其患初起麻木不仁次發紅斑久則破爛浮腫無膿其症最惡故曰皮死麻木不仁肉死刀割不痛血死破爛流水筋死指節脫落骨死鼻梁崩塌有此五症俱爲不治又曰心受之先損於目肝受之面發紫泡脾受之遍身如癬肺受之眉毛先脫腎受之足底先穿又爲五敗症也總皆風濕相乘氣血凝滯表裏不和臟腑痞塞陽火所鬱初起麻木不仁肌肉未死者宜萬靈丹洗浴發汗以散凝



滯之風後服神應養真丹加白花蛇等分久服自愈年久肌破肉死者先用必勝散疎通臟腑次服萬靈丹每日酒化一丸通活血脈服至一月換服苦參丸輕者半年重者一載漸愈或兼服酒藥戒房事厚味動風等件可保不發

徐曰此症總屬不治遷延歲月則有之然患此者絕少若稍似風症並非真風醫者竟以治風之惡藥竊治之反傷敗氣血變成風症此等最多不可不知 桐案王君士雄謂此證粵閩江右甚多內因淫火蘊毒熱極生風外因山嵐惡障毒風交互之邪食理初癸巳類稿與梅瘡同論得其旨矣徐氏以為絕少但指江浙言也

萬靈丹見腫瘍門治大麻風初起麻木不仁或既久皮膚破裂手足攣攣肢體不便但未指脫足穿者

必勝散必勝散中用大黃 白牽檳榔共粉霜 借問將何調末服 生薑搗汁水和糖治大麻風血熱祕結臟腑不通宜用此藥利之

大黃 檳榔 白牽牛各一錢 粉霜一錢 五分右各為細末年壯者作五服中年久虛者作七服用

生薑四兩搗汁赤砂糖三錢加水一大杯三味和勻臨睡時腹中稍空頓溫通口服之即睡至三更偏身麻木如針刺頭目齒縫俱痛此藥尋病之功已達行出大小二便或青白黑黃又或紅蟲之類此乃病根也一月內服藥三次漸痊肩髮俱生肌膚如舊齒縫有血宜漱後藥

徐曰大麻風本無愈理如此峻劑徒傷人耳

漱藥方漱藥方中藥二般黃連貫衆各三錢水煎加入些冰片齒縫何愁血似泉

貫衆黃連各三錢水二茶鍾煎至一盃加冰片少許每

日陸續漱之其血自止忌動風油膩之物

苦參丸苦參丸內藥多般品味難將一一刊新久麻風諸壞症勸君久服自能安

治大麻風毋分新久穿破潰爛老幼俱可服之

苦參一斤 大楓子肉六兩 荆芥十二兩 防風 白芷各六兩 全蝎 何首烏 白附子

枸杞子 威靈仙 當歸 大胡麻 川芎 蒺藜 大皂角 川牛膝

牛蒡子 獨活各五兩 蔓荊子 風藤 羌活 連翹 蒼朮 天麻

杜仲 草烏泡去皮尖 甘草各二兩 人參 一兩 杏仁二兩 白花蛇二兩切片炙黃 右藥共爲細末醋打老

米糊爲丸梧桐子大每服三四十九丸溫酒食前後任下避風忌口爲妙

徐曰此症主方其用藥總不外此然服之亦未必得效也僅能殺其大勢耳

麻風藥酒方麻風酒用歸防朮獨蠶苦杞羌羌活草麻子與白茅根龜甲虎骨併牛膝

防風 當歸 虎骨 秦朮 羌活 蒼朮 牛膝 獨蠶 松節

龜甲 蒼朮 枸杞子 白茅根各三兩 草麻子仁 一兩 用好雪酒二十五斤將袋盛藥浸酒

內封壘口煮香二枝取起水內浸一伏時取服數杯自效

徐曰亦可備用

雄硫散

雄硫散內鳳凰皮
桃肉共和猪膽汁

山甲相兼滑石宜
眉毛脫落此地醫

治大麻風眉毛鬚髮脫落作癢者宜此藥擦之

雄黃

硫黃

鳳凰皮

即雌雞殼燒黃
存性各五錢

穿山甲

十片
炒黃滑石一兩

右各為細末用半油核

桃肉一兩搗爛同公豬膽汁一個并前藥和勻用青紗包藥擦之日用三次其髮漸生如舊

徐曰未必有效

又擦麻風病面生紫塊疙瘡方

穿山甲

煨存性
研未
川椒炒研末
各二錢

右用薑汁土大黃根汁調稠絹包擦之如藥乾加水調擦亦效忌動

發物等件

翻花瘡第五十六

翻花者乃頭大而蒂小小者如豆大者若菌無苦無疼揩損每流鮮血久亦虛人以津調冰蠟散徧搽正面上用軟油紙包裹根蒂細處用線連紙扎緊十日後其患自落換珍珠散搽之收口又有根蒂如鼈頭棋子樣難扎以前藥搽上用麵糊綿紙封上二重用心勿動十日外亦落換珍珠散

徐曰此又一種最輕者如真翻花大如杯碗膿血淋漓無藥可治乳岩卽此類也 又曰楊梅毒亦有此症

翻花瘡應用方

冰蟬散

見癰瘡門

珍珠散

見下疳門

腋癰第五十七

腋癰俗稱夾癰此肝脾二經爲患肝經血滯脾經氣凝共結爲腫初起皮色不變漫腫無頭日久方疼乃生寒熱此患難消終必作膿未破者柴胡清肝湯已破者十全大補湯去肉桂加香附陳皮軟腫脹痛者針之膏貼

徐曰無膿亦可不針

此症首尾溫補忌用寒涼

腋癰應用方

柴胡清肝湯

見癰疽門

十全大補湯

見潰瘍門

脇癰第五十八

脇癰多從鬱怒肝火而發肥胖內實者鮮此症初起宜梔子清肝湯柴胡清肝湯解鬱瀉火已成托裏消毒散加青皮香附膿已成卽針之勿傷內膜

此句徐曰

已破後八珍湯加丹皮山萸澤瀉兼滋腎水如虛勞



所得破流臭水敗腐稀膿補托不應者死

徐曰與腋癰同治

脇癰應用方

托裏消毒散見腫瘍門

梔子清肝湯

柴胡清肝湯俱見腫瘍門

八珍湯見潰瘍門

鼻痔第五十九

鼻痔者由肺氣不清風濕鬱滯而成鼻內瘻肉結如榴子漸大下垂閉塞孔竅氣不宜通內服辛夷清肺飲外以礪砂散逐日點之漸化為水乃愈兼節飲食斷厚味戒急暴省房慾庶不再發

徐曰此症服藥為輕外治為重如別有他恙乃宜服藥

辛夷清肺飲辛夷清肺飲百合甘草升麻及知母

梔子麥冬生石膏枇杷葉用須去毛

治肺熱鼻內瘻肉初如榴子漸大下垂閉塞孔竅

氣不宜通者

辛夷六分黃芩

山梔

麥門冬

百合

石膏

知母各一錢甘草五分

枇杷葉三片升麻三分去毛

水二茶鍾煎八分食後服

徐曰此症主方辛夷辛溫宣散上焦風熱



硫砂散

硫砂散內用雄黃末將來痔上點

冰片再加輕粉凡鼻中瘰肉自然光

治鼻生瘰肉初如榴子漸大下垂名爲鼻痔也

硫砂

一錢輕粉三分

冰片五釐

雄黃三分

右共爲末用草粘咬毛蘸藥勤點痔上日用五六次自

然漸化爲水而愈

徐曰其方甚多此亦可用如葶藶苦丁鹽梅麝香瓜蒂藜蘆甘遂龍骨生砒俱可選用俱可點綿裹亦可 又曰降藥亦妙

取鼻痔祕法

先用茴香草散連吹二次次用細銅筋二根筋頭鑽一小孔用絲線穿孔內二筋相離五分許以二筋頭直入鼻痔根上將筋線絞緊向下一拔其痔自然拔落置水中觀其大小用頭胎髮燒灰同象牙末等分吹鼻內其血自止戒口不發

徐曰此乃手法但痔形不一有根在鼻梁之內將鼻塞滿從何處拔取法不必學

回香草散

回香草散有奇功爲末共吹鼻痔上

加上良薑二味同取如拾芥一時通

回香草高良薑酒乾等分爲末用此先吹鼻痔上二

次片時許方行取法其痔自然易脫

骨槽風初起生於耳前連及腮項痛隱筋骨久則漸漸漫腫寒熱如瘡牙關緊閉不能進食此得於鬱怒

傷肝致筋骨緊急思慮傷脾致肌肉腐爛膏梁厚味致膿多臭穢初則堅硬難消久則瘡口難合此二句徐

圖初宜艾灸腫頂及耳垂下五分徐曰不各七壯膏貼以泄內毒餘腫用真君妙貼散敷之牙關內腫

用線針刺去惡血冰硼散搽之使內外毒氣得解宜服降火化痰清熱消腫之劑潰後當托裏藥中加

麥冬五味外腐者搽玉紅膏使水升火降脾健熱清乃愈又有外腐不合虛熱不退堅腫不消形焦體

削則死

徐曰此症以清火消痰為主 又曰此症又有初起並非骨槽瘡口老膿久變成骨者

清陽散火湯清湯散火湯翹苓石膏甘草牛蒡子升麻白芷共防荆治牙根盡處結腫連及耳項作痛名骨槽風也

升麻 白芷 黃芩 牛蒡子 連翹 石膏 防風 當歸 荆芥

白蔘錢 甘草五分 水二茶鍾煎八分食後服

徐曰此亦通治方

甲和湯中和湯中參薏朮藿香白芍麥門冬白芷青歸甘草桔肉桂還同薑棗入治前症已經穿潰流膿臭穢疼痛不止者

人參 黃耆 白朮 白芷 川芎 當歸 甘草 桔梗 白芍各一錢



肉桂

麥冬

藿香各五分

水二茶鍾薑三片棗二枚臨服入酒一杯食後服

徐曰衆病通用方

骨槽風應用方

眞君妙貼散

玉紅膏

俱見腫瘍門

冰硼散

見咽喉門

紫白癰風第六十一

紫白癰風乃一體二種紫因血滯白因氣滯總由熱體風濕所侵凝滯毛孔氣血不行所致皆從外來初起毛竅閉而體強者宜萬靈丹以汗散之次以胡麻丸常服外用蜜陀僧散搽擦亦可得愈

胡麻丸

胡麻丸內用防風苦參甘草白附子

靈仙石菖蒲獨活同療風赤白服有功

治初起皮膚作癢後發癰風漸至開大者

大胡麻

四兩

防風

威靈仙

石菖蒲

苦參

各二兩

白附子

獨活

各一兩

甘草

五錢

右爲細末新安酒漿泛丸桐子大每服二錢形瘦者一錢五分食後臨臥白滾湯送下忌動風發物海腥煎炒雞鵝羊肉火酒等件愈後戒百日

徐曰此非內症服藥不能取效

梔案大胡麻白附子徐鑑

雌雄四黃散

雌雄散用石硫黃謹附共研爲末擦

雄雌二黃要相當紫癰醅調白癰靈

治紫白癰風皮膚作癢日漸開大宜用此搽之

